

l'ayāt renouuelee, enuoya Iean Alfonse Xaintongeois plus au Nort le long de la coste de Labrador, qui en reuint aussi sçauant que les autres. Es annees 1576. 1577. & 1578. Messire Martin Forbicher Anglois fit trois voyages suiuant les costes du Nort. Sept ans après Hunfrey Gilbert aussi Anglois partit avec cinq nauires, & s'en alla perdre sur l'isle de Sable, où demeurerēt trois de ses vaisseaux. En la mesme année, & es deux suiuanes Iean Dauis Anglois fit trois voyages pour mesme subiect, & penetra sous les 72. degrez & ne passa pas vn destroit qui est appelé auiourd'hui de son nom. Et depuis luy le Capitaine Georges en fit aussi vn en l'an 1590. qui fut contraint à cause des glaces, de retourner sans auoir rien descouuert. Quant aux Hollandois ils n'en ont pas eu plus certaine connoissance a la nouuelle Zemble.

Tant de nauigations & descouuertes vainement entreprises, avec beaucoup de trauaux & despences, ont fait resoudre noz François en ces dernieres annees, à essayer de faire vne demeure arrestee es terres que nous disons la Nouuelle France, esperans paruenir plus facilement à la perfection de ceste entreprise, la Nauigation commençant en la terre d'oultre l'Ocean, le long de laquelle se fait la recherche du passage desiré: Ce qui auoit meu le Marquis